



Inatsisartunut ilaasortaq
Ineqi Kielsen,
Siumut

**Meeqqanik ussiiniartarneq pillugu § 37 naapertorlugu apeqqutip nr. 134-ip aki-
neqarnera**

Asasara Ineqi Kielsen

Meeqqanik ussiiniartarnermut tunngatillugu apeqqutigisannut qjanaq.

1. **Meeqqanik ussiiniartarneq pillugu paasititsiniaanerit qanoq annertutigi-
sumik suliaqarfigineqarpat?**
2. **Ukioq 2016 meeqqanik ussiiniarsimasut pillugit politiinut qassinik unner-
luussisoqarsimava?**

Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut
Naalakkersuisoqarfik Justitsministerieqarfimmu paasissutissanik piniarsimavoq,
taakkualu ima akipput:

*"Justitsministerieqarfik akissutissaminut atugassatut Rigspolitiit
oqaaseqaateqaqqusimavai taakkulu Kalaallit Nunaanni politimesterip
oqaaseqaatai imaattut innersuussutigai:*

1-imut. Kalaallit Nunaanni Politiit nalunaarutigisinnaavaat "meeqqanik
ussiiniartarnermut ajornartorsiummut" tunngatillugu ukiuni kingullerni
marlunni paasititsiniaasarnerit imaluunniit pinerluuteqarnissamut
pinaveersaartitsilluni suliniutit aallartinneqarsimanngitsut. Tassunga
tunngatillugu ilisimatitsissutigisinnaavara Kalaallit Nunaanni Politiit
pinerluuteqarnissamut pinaveersaartitsilluni suliniutaat meeqqat atuarfiani
atuartunut sammisitaammata assersuutigalugu "nakuusernertut
taarsiullugu oqaloqatigiinnerit" aqutigalugit, tassani ilaatigut
anguniagaalluni meeqqat akuutillugit pinerlunniartarnernik
assersuutigalugu nakuusernertut pinaveersaartinnissaat.

2-mut. Kalaallit Nunaanni Politiit tassunga tunngatillugu
ilisimatitsissutigisinnaavaat taaguut "meeqqanik ussiiniartarneq"
inatsisitigut taaguutaanngimmat taamaasillunilu eqqartuussiveqarnikkut
sulianut aammalu Kalaallit Nunaanni Politiit ukiumoortumik
nalunaarutigisartagaanni immikkut ilaatinneqarani.

Tassunga tunngatillugu ilisimatitsissutigisinnaavara Kalaallit Nunaanni
Politiit kisitsisini ukiumoortumik saqqummersittagaanni ilaatigut
takuneqarsinnaammat meeqqanik kinguaassiuutitigut atonerluisarnermut
tunngatillugu pinerluttulerinnermut inatsimmi § 79 naapertorlugu
nalunaarutiginninnerit ima isikkoqarmata:
2012-imi nalunaarutiginninnerit 54-iusimapput, 2013-imi 70-it, 2014-imi
52-it kiisalu 2016-imi nalunaarutiginninnerit 79-iusimallutik.

16-06-2017
Suliap nr. 2017 - 9554
Allakkat nr. 5532767

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: inin@nanoq.gl
www.naalakkersuisut.gl

Sulianik suliarinnittarnermi allaaserineqarsimasuni 2016-imi oqaaseqaatinik allattuiffissami oqaatsimut "meeqqanik ussiiniartarneq"-imut tunngatillugu pasinarsinnaasunik ilanngussaartoqarsimannigilaq. Ukioq manna eqqarsaatigalugu ilisimatitsissutigisinnaavara "meeqqanik ussiiniartarneq"-mut tunngatillugu nalunaarsukkani oqaaseq taanna sisamariarluni allanneqarsimammat. Taamaattorli Kalaallit Nunaanni Politiit isumaqarput Nuummi pasinarsinnaasutut pisumi ataatsimi oqaaseq taana sisamariarluni atorineqarsimasoq.

Kalaallit Nunaanni Politiit ilanngullugu nalunaarutigaaat pinerlunnissamut pitsaaliuinnermut suliniutissat ingerlaavartumik suliarineqartarmata, tassunga ilanngullugu eqqarsaatigineqartoq meeqqanik kinguaassiuutitigut atornerluisarnerit amerliartuinnartut siunissami pitsaaliuilluni suliniutinut ilanngunneqartariaqannginnersut.'

Justitsministerieqarfiup oqaatigineqartoq malissinnaavaa."

Meerartatta toqqissillutik nuannaarlutillu inuunissaat Naalakkersuisut pingaartittorujussuuvaa. Meerartagut meeqqanik ussiiniartartunik, kinguaassiuutitigut atornerlunneqarnissamik allatigullu innarlerneqarnissamik aarleqquteqaratik inuusinnaasariaqarput.

Politiit akissutaat naapertorlugu kannguttaatsuliorsimasunik nalunaarutiginninnerit amerliartorsimapput. Tamanna assignngitsunik patsiseqarsinnaavoq. Pissut siulleg tassaa sinnaavoq meeqqat pisinnaatitaaffimminnik ilisimasaqarnerulersimanerat amerlanerusunillu nalunaaruteqartalerlutik, tamanna pissutaasimassappat ajunngitsup tungaanut aallariangaatsiarsimassaagut. Pissutaasoq alla tassaa sinnaavoq kannguttaatsuliorfigineqartarnerit ilisimaneqarnerulersimaneri, tassami Saaffik ukiuni kingullerni pingasuni aarleqquteqartarnermut uuttuut pillugu najukkani ataasiakkaani nunalu tamakkerlugu susassa qarfiit akimorlugit pikkorissartitsisarnikummat. Nassuiaataasinaasoq alla tassaa sinnaavoq kannguttaatsulior tarnerit amerleriarmaneri, tamannalu ilumoorsimassappat tamanna akueriuminaattorujussuuvoq.

MIO meeqqat atortussaannik saqqummersitsinikuuvoq, taannalu aqputigalugu meeqqat pisinnaatitaaffeqarnertik pillugu ilinniartinneqarsinnaapput, tassunga ilanngullugit namminneq timigisaq pillugu pisinnaatitaaffiit aammalu naaggaarsinnaatitaanermut ilitsersuutitaqarluni. Atuakkat ilaatigut pineqartut tassaa pput "Illerpiaasinnaavutit – taama pisinnaatitaaffeqarputit" kiisalu iliniartitsiner mi atugassatut suliaq "Uangaana timiga!". MIO oqariartuutiminik siammarteraluni annertuumik suliaqarsimavoq, taamaattumik imaasinaavoq meeqqat innarlerneqarsimanertik pillugu nalunaaruteqarnissamut pikkorinneru-lersimasut. Tamatuma saniatigut Nakuusa atuarfinni tamakkiisumillu suliniutigisartakkatik suliarisartakkatillu aqputigalugit assingusunik suliniuteqarpoq. Kinguaassiuutitigut atornerluisarnerit pinaveersaartinneqarnissaat Naalakkersuisunit ukkatarineqarpoq. Ilutigalugu innarliisimasut katsorsarneqartalernissaanut periarfissat Naalakkersuisunit misissorneqaleruttorput. Innarliisarnerit pinaveersaartinneqarnissaat sulinitinni ukkataravut aammalu atornerluisarnerit tamakkiisumik iliuseqarfiginissaat annertusarniarlugu suliniuteqarluta.

Meeqqat pisinnaatitaaffiisa qulakkeerneqarnissaat eqqarsaatigalugu suliaq pingaarutilik alla tassaa voq meeqqat tapersorneqarnissaannut inatsit nutaaq, taannalu aqputigalugu meeqqat pitsaasumik toqqissisimasumillu peroriartorsinnaanissaat ilaatigut

qulakkeerneqarsinnaassaaq. Naalakkersuisut nuannaarutigalugu maluginiarpaat meeqqanut atugassarititat pitsanngorsaaffiginiaarlugit suliniutit arlallit allartinneqareersimammata.

Inussiarnersumik inuulluaqqusillunga

Med venlig hilsen



Sara Olsvig